

03 / 12. 04. 2024.
[Signature]

Na osnovu člana 31. stav 1. Zakona o Vladi Srednjobosanskog kantona («Sl. novine Srednjobosanskog kantona» broj 5/03 i 14/03 Prečišćeni tekst) i člana 33. stava 1. Zakona o izvršenju Budžeta Srednjobosanskog kantona za 2024. godinu («Sl. novine Srednjobosanskog kantona» broj 1/24) Vlada Srednjobosanskog kantona na 40. sjednici održanoj 8. 4. 2024. godine, donijela je

ODLUKU

o usvajanju Programa utroška sredstava s pozicije Poticaji u poljoprivredi za 2024. godinu -primarna poljoprivredna proizvodnja-

I

Usvaja se Program utroška sredstava s pozicije Poticaji u poljoprivredi za 2024. godinu -primarna poljoprivredna proizvodnja-.

II

Sredstva potrebna za provođenje programa iz tačke I. ove Odluke osigurana su u Budžetu Srednjobosanskog kantona i terete poziciju Ministarstva poljoprivrede, vodoprivrede i šumarstva Srednjobosanskog kantona, razdjel 19, glava 01. potrošačka jedinica 0001, izvor finansiranja-kod 10, ekonomski kod 6145-Subvencije privatnim preduzećima i poduzetnicima i 6142 – Tekući transferi pojedincima – poticaji poljoprivredi (primarna poljoprivredna proizvodnja).

III

Za realizaciju ove Odluke zadužuje se Ministarstvo poljoprivrede, vodoprivrede i šumarstva i Ministarstvo finansija Srednjobosanskog kantona koje je dužno da izvrši prijenos odobrenih sredstava po zahtjevu Ministarstvo poljoprivrede, vodoprivrede i šumarstva, uz saglasnost Vlade, a u skladu sa planom i prilivom sredstava Budžeta Srednjobosanskog kantona u 2024. godini.

IV

Sastavni dio ove Odluke čini Program Programa utroška sredstava s pozicije Poticaji u poljoprivredi za 2024. godinu -primarna poljoprivredna proizvodnja-

V

Ova Odluka stupa na snagu danom donošenja i objavit će se u Službenim novinama Srednjobosanskog kantona.

Broj: 01-11.7 - 2895/2024.

Travnik, 8. 4. 2024. godine

PREMIJER KANTONA

Tahir Lendo, dipl. ing.



BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON



BOSNA I HERCEGOVINA
FEDERACIJA BOSNE I HERCEGOVINE
KANTON SREDIŠNJA BOSNA

*Ministarstvo poljoprivrede,
vodoprivrede i šumarstva*

*Ministarstvo poljoprivrede,
vodoprivrede i šumarstva*

**PROGRAM I KRITERIJI UTROŠKA SREDSTAVA IZ BUDŽETA
SREDNJOBOSANSKOG KANTONA ZA POTICAJE U POLJOPRIVREDI
(PRIMARNOJ POLJOPRIVREDNOJ PROIZVODNJI) U 2024. GODINI**

Travnik, 2024. godine

Podaci o Programu

1. Program je usvojen: na sjednici Vlade Srednjobosanskog kantona održanoj godinu.
2. Period realizacije Programa: Isplata podrški za poljoprivredne proizvodnje koje su realizovane u periodu od 01. 01. do 31. 12. 2024. godine.
3. Ukupna vrijednost Programa: **2.216.600,00 KM** i to:
 Pojedincima : 1.036.600,00 KM
 Privatnim preduzećima : 1.180.000,00 KM
4. Namjena Programa: Podrška primarnoj animalnoj i biljnoj proizvodnji, te kapitalnim ulaganjima u poljoprivredi
5. Korisnici Programa: Poljoprivredni proizvođači sa područja SBK odnosno proizvođači upisani u Registar poljoprivrednih gazdinstava i Registar klijenata
6. Izvor sredstava: Budžet SBK/KSB za 2024. godinu
- Budžet Kantonalnog ministarstva poljoprivrede vodoprivrede i šumarstva („Službene novine SBK, broj 1/24)
7. Nosilac Programa: Ministarstvo poljoprivrede, vodoprivrede i šumarstva SBK/KSB
8. Odgovorna osoba: Advan Akeljić dipl.iur, ministar

I UVOD

Programom utroška sredstava Budžeta Srednjobosanskog kantona za poticaje u poljoprivredi za 2024. godinu određuje se godišnji iznos sredstava novčanih podrški, vrste mjera i raspodjela sredstava po mjerama, te opći i posebni kriteriji za njihovo ostvarivanje. Kod izrade Programa utroška sredstava Budžeta Srednjobosanskog kantona za poticaje u poljoprivredi za 2024. godinu (u daljem tekstu: Program) vodilo se računa o:

- a) Zakonu o poljoprivredi („Službene novine FBiH“, broj: 88/07,4/10 ,27/12 i 7/13)
- b) Zakonu o novčanim podrškama u poljoprivredi i ruralnom razvoju („Službene novine FBiH“, broj: 42/10, 99/19)
- c) Zakonu o izvršenju Budžeta Srednjobosanskog kantona za 2024. godinu („Službene novine SBK/KSB“, broj: 1/24).

Po Programu za 2024. godinu opredijeljena su sredstva za poticaje u poljoprivredi u ukupnom iznosu od **2.216.600,00 KM** i to:

U izradi Programa za 2024. godinu korišteni su slijedeći parametri:

- Proizvodne resursne mogućnosti Kantona,
- Potencijalno raspoložive prirodne i ljudske resurse i mogućnosti njihovog stavljanja u funkciju zadovoljavanja domaćih potreba za hranom, odnosno izvoza,
- Zakonske i programske obaveze,
- Kontinuitet poticajnih mjera,
- Analize realizacije podrški u proteklom periodu
- Mogućnosti plasmana poticajnih proizvodnji,
- Preporuke stručnih suradnika Odjeljenja poljoprivrede Ministarstva koje neposredno na terenu prate kretanja u poljoprivrednoj proizvodnji

U skladu sa raspoloživim sredstvima, mjere podrške u poljoprivredi iz Budžeta SBK za 2024. godinu su usmjerene prema slijedećim proizvodnjama i aktivnostima:

Podrška poljoprivrednoj proizvodnji

A . ANIMALNA PROIZVODNJA

- Uzgoj rasplodnih krmača ili nazimica
- Stimulacija farmskog uzgoja krava
- Sufinansiranje troškova održavanja pčelinjih zajednica
- Podrška držanja koka nosilja

B. BILJNA PROIZVODNJA

- Podrška za proizvodnju krastavaca-kornišona
- Podrška za poljoprivrednu proizvodnju u plastenicima i staklenicima

C. KAPITALNA ULAGANJA

- Podrška za izgradnju štalskih objekata
- Sufinansiranje izgradnje mini sirara
- Nabavka mehanizacije i opreme
- Sufinansiranje projektne dokumentacije za stajske objekte

D. OSTALE VRSTE PODRŠKE

- Podrška za registrovane farme

II KRITERIJI ZA RASPODJELU SREDSTAVA

Odobrena finansijska sredstva iz Budžeta Srednjobosanskog kantona pod stavkom "Podrška primarnoj poljoprivrednoj proizvodnji" raspoređivat će se fizičkim i pravnim licima (u daljem tekstu: korisnici) prema općim i posebnim kriterijima.

1. Opći kriteriji

Pravo na ostvarivanje podrški stiču:

- korisnici koji su ostvarili primarnu poljoprivrednu proizvodnju ili poljoprivrednu djelatnost obavljaju na teritoriji Srednjobosanskog kantona, ako to ovim Programom ili Uputstvom nije drugačije propisano,
- korisnici koji imaju stalno mjesto prebivališta, odnosno za pravna lica sjedište na području Srednjobosanskog kantona,
- korisnici koji su upisani u Registar poljoprivrednih gazdinstava i Registar klijenata
- korisnici koji ispunjavaju posebno propisane kriterije predviđene ovim Programom i Uputstvom o ostvarivanju novčanih podrški za poljoprivrednu proizvodnju ili djelatnost u poljoprivredi u 2024. godini (u daljem tekstu Uputstvo), koje donosi ministar kantonalnog Ministarstva poljoprivrede, vodoprivrede i šumarstva
- korisnici koji su izmirili svoja poreska i druga dugovanja prema Srednjobosanskom kantonu
- nepotpuni ili netačno popunjeni, neblagovremeni i izvan propisane procedure dostavljeni zahtjevi neće biti uzeti u razmatranje,
- obaveza prijavljivanja, rokovi, tehnika i način obrade podnesenih zahtjeva detaljnije će se propisati Uputstvom,
- u slučaju da odobrene kvote za pojedine vidove podrški ne budu u cijelosti iskorištene, sredstva za tu proizvodnju preusmjerit će se u proizvodnje kod kojih dođe do prekoračenja odobrenih kvota, odobrava se preusmjeravanje iz oblasti u oblast.
- Ukoliko, i nakon preusmjeravanja sredstava, dođe do prekoračenja, poticaji će se procentualno smanjiti prema raspoloživim sredstvima.

- Ukoliko do kraja 2024. godine dođe do umanjenja ukupnog iznosa sredstava za poticaje u primarnoj poljoprivrednoj proizvodnji, poticaji će se umanjiti linearno za svaku proizvodnju.

2. Posebni kriteriji

A. ANIMALNA PROIZVODNJA

- **Podrška za uzgoj rasplodnih krmača ili nazimica** – pravo na novčanu podršku ostvaruju poljoprivredni proizvođači koji imaju najmanje 2, a najviše 4 rasplodne krmače ili nazimica. Iznos novčane podrške je 150 KM/ krmači.
- **Stimulacija farmskog uzgoja krava** – pravo na novčanu podršku imaju proizvođači koji su u sistemu otkupa mlijeka i posjeduju najmanje 3 muzne krave. Iznos novčane podrške je 100 KM/grlu za fizička lica a 150 KM/grlu za pravna lica i obrte. Maksimalan iznos podrške po podnijetom zahtjevu je 3.000,00 KM za fizička lica, a 5.000,00 KM za pravna lica i obrte.
- **Sufinansiranje troškova održavanja pčelinjih zajednica** - poboljšanje kontrole zdravstvenog stanja pčelinjih zajednica- potiče se po pčelinjem društvu 5 KM. Pravo na novčanu potporu imaju pčelari koji imaju najmanje 20 pčelinjih društava. Maksimalan iznos po jednom subjektu je 1.000,00 KM.
- **Podrška držanja koka nosilja** – pravo na podršku imaju proizvođači koji imaju registrovan obrt za proizvodnju konzumnih jaja, kao i pravne osobe registrovanu za tu vrstu djelatnosti, te imaju najmanje 1000 pilenki u proizvodnji, useljenih u skladu sa standardima peradarske proizvodnje. Podrška se može ostvariti za maksimalno 5.000 koka nosilja u fazi nošenja jaja. Iznos novčane podrške je 1,50 KM/pilenki.

B. BILJNA PROIZVODNJA

- **Podrška za proizvodnju krastavaca-kornišona** – potiče se proizvodnja poljoprivrednih proizvođača koji imaju ugovorenu proizvodnju kornišona. Iznos podrške za fizička lica 0,30 KM/kg. Minimalna poticana količina je 2000 kg , a maksimalna 8000 kg.
- **Podrška za poljoprivrednu proizvodnju u plastenicima i staklenicima** – potiču se plastična/staklenička proizvodnja poljoprivrednih proizvođača koji imaju **registrovan obrt** u poljoprivrednoj djelatnosti. Minimalna površina plastenika/staklenika mora biti 100 m², a maksimalna 500 m². Iznos podrške je 5 KM/m².

C. KAPITALNA ULAGANJA

- **Podrška za izgradnju štalskih objekata** – podržava se izgradnja štalskih objekata za sve vrste životinja koji se nalaze na području Srednjobosanskog kantona za pravna lica i obrte koji imaju registrovanu poljoprivrednu djelatnost sa sjedištem na području Srednjobosanskog kantona. Maksimalan iznos podrške po subjektu iznosi 10.000,00 KM, te da ispunjava i druge kriterije koji će biti propisani Uputstvom.

- **Sufinansiranje izgradnje i opremanja mini sirara**

Pravo na sufinansiranje izgradnje i opremanja mini sirara imat će pravna lica i registrovani obrti upisani u registar prerađivača, pod uslovima propisanim Uputstvom, a iznos podrške zavisiće o broju podnijetih zahtjeva, unutar sredstava za tu namjenu određenu ovim Programom.

- **Nabavka mehanizacije, strojeva i opreme za obavljanje poljoprivredne djelatnosti**

Podržava se u iznosu do 40% vrijednosti nabavljene opreme i to:

a) stočarstvo /laktofrizi, aparati za mužu, mlinovi, mješaone stočne hrane, sortirka za jaja, skener za jaja i dr.

b) pčelarstvo /vrcaljke, topilice voska i dr./

c) povrtlarstvo, vočarstvo /instaliranje protivgradnih sistema, mašine za prerađivanje voća i povrća, vage, perilice, sortirke, selektori i dr.

Pravo na podršku imaju fizička lica koja nabave poljoprivrednu mehanizaciju ili opremu u vrijednosti do 3.000,00 KM, a obrti i pravna lica u vrijednosti do 6.000,00 KM, s tim da pojedinačni račun ne može biti manji od 100 KM.

Kupovina mehanizacije ili opreme mora biti obavljena u periodu od 01.10.2023. godine do 30.09.2024. godine.

- **Sufinansiranje projektne dokumentacije za stajske objekte**

Sufinansirat će se projektna dokumentacija za stajske objekte. Pravo na novčanu podršku imat će registrovani obrti i pravna lica. Detaljni uslovi propisat će se Uputstvom koje donosi Ministar.

D. OSTALE VRSTE PODRŠKE

- **Podrška za registrovane farme (goveda, ovaca, koza, svinja, koka, pčela, biljna proizvodnja)** – potiču se registrovani poljoprivredni obrtnici/pravna lica kojima je rješenjem o registraciji poljoprivreda osnovna djelatnost. Pravo na novčanu podršku imaju registrovani poljoprivredni obrtnici, odnosno pravna lica koja su registrovana najmanje godinu dana o dana objave javnog poziva po ovom

Programu. . Iznos podrške je 2.000,00 KM/uposleniku, a maximalan iznos podrške je 6000,00 KM/obrtu/pravnom licu.

III TABELARNI PRIKAZ PROGRAMA PODRŠKI

| Red. Broj | NAZIV POTICAJA | Iznos poticaja izražen po jed. Mjere | Procjena iznosa potrebnih sredstava u (KM) |
|-----------|---------------------------------------------------------------------|------------------------------------------------|--------------------------------------------|
| | ANIMALNA PROIZVODNJA | | |
| 1. | Podrška za uzgoj rasplodnih krmača ili nazimica | 150 KM/krmači | 85.000,00 |
| 2. | Stimulacija farmskog uzgoja krava | 100 KM/grlu fizička 150KM/grlu obrti/pravna | 525.000,00 |
| 3. | Sufinansiranje troškova održavanja pčelinjih zajednica | 5 KM/pčelinjem društvu | 106.600,00 |
| 4. | Podrška za držanje koka nosilja | 1,50 KM/pilenki | 65.000,00 |
| | BILJNA PROIZVODNJA | | |
| 5. | Podrška za proizvodnju krastavaca-kornišona | 0,30 KM/kg | 55.000,00 |
| 6. | Podrška za poljoprivrednu proizvodnju u plastenicima i staklenicima | 5 KM/m ² | 90.000,00 |
| | KAPITALNA ULAGANJA | | |
| 7. | Podrška za izgradnju štalskih objekata | 10.000,00 KM | 150.000,00 |
| 8. | Sufinansiranje izgradnje mini sirara | Zavisi od broja podnijetih zahtjeva | 100.000,00 |
| 9. | Nabavka mehanizacije i opreme | do 40% iznosa računa | 320.000,00 |
| 10. | Sufinansiranje projekne dokumentacije za stajske objekte | Odredit će se Uputsvom | 50.000,00 |
| | OSTALE VRSTE PODRŠKI | | |
| 11. | Podrška za registrovane farme | 2000 KM/uposlenom | 670.000,00 |
| | UKUPNO: | | 2.216.600,00 |

Napomena:

- u slučaju da odobrene kvote za pojedine vidove podrški ne budu u cijelosti iskorištene, sredstva za tu proizvodnju preusmjerit će se u proizvodnje kod kojih

dođe do prekoračenja odobrenih kvota, odobrava se preusmjeravanje iz oblasti u oblast.

- ukoliko, i nakon preusmjeravanja sredstava, dođe do prekoračenja, poticaji će se procentualno smanjiti prema raspoloživim sredstvima.
- ukoliko do kraja 2024. godine dođe do umanjena ukupnog iznosa sredstava za poticaje u primarnoj poljoprivrednoj proizvodnji, poticaji će se umanjiti linearno za svaku proizvodnju.

IV NAČIN OSTVARIVANJA PODRŠKI

Podrške ostvaruju korisnici koji ispunjavaju uslove propisane ovim Programom i Uputstvom, kojim će se utvrditi postupak i potrebna dokumentacija te obrasci i drugi relevantni podaci.

Korisnici koji ostvare proizvodnju i ispunjavaju opće i posebne kriterije, podnose nadležnom općinskom organu zahtjev za podršku u primarnoj poljoprivrednoj proizvodnji uz propisanu dokumentaciju za ostvarivanje podrški, a općinski organ kompletiranu dokumentaciju prosljeđuje na protokol Kantona.

Daljnji postupak sa zahtjevima korisnika provodi se u skladu sa Uputstvom za ostvarenje prava na novčane podrške.

Izuzetno, ako je to u njegovom interesu, korisnik može aplicirati za ostvarenje podrške u poljoprivredi, poštom ili direktnom predajom dokumentacije na protokol Kantona.

V POSTUPAK

Ministarstvo je dužno formirati Komisiju za utvrđivanje i realizaciju javnog poziva. Komisija je dužna programom date obaveze obaviti u rokovima koji su propisani Programom i Uputstvom za 2024. godinu. Komisija za razmatranje primljenih zahtjeva na osnovu javnog poziva, Programa i Uputstva izvršit će ocjenu i vrednovanje zahtjeva na osnovu propisanih kriterija. Na bazi prikupljenih zahtjeva te Programom i Uputstvom definisanim kriterijima, komisija sastavlja prijedlog Odluke o dodjeli sredstava te uz izvještaj o radu prijedlog podnosi ministru na dalje postupanje. Odluku o dodjeli sredstava donosi Vlada Srednjobosanskog kantona i ista će biti objavljena u Službenim novinama SBK.

VI SVRHA PROGRAMA

Svrha Programa je nastaviti podršku prioritnim mjerama u okviru raspoloživog budžeta, kako bi se osigurala kontinuirana isplata poticaja proizvodnji. Direktnim podrškama želi se osigurati dugotrajna održivost poljoprivrednih gazdinstava koja obavljaju poljoprivrednu djelatnost u biljnoj i animalnoj proizvodnji.

VII IZVORI SREDSTAVA

Izvor sredstava za realizaciju Programa je Budžeta SBK/KSB za 2024. godinu u kojem je na stavci "Transfer – poticaji poljoprivredi (primarnoj poljoprivrednoj

proizvodnji" u razdjelu 19. budžetska organizacija 01, potrošačka jedinica 0001, izvor sredstava 10

ekonomski kod 6142, planiran iznos od 1.036.600,00 KM

ekonomski kod 6145, planirani iznos od 1.180.000,00 KM

Planirani iznos realizirat će se u skladu sa prilivom sredstava u Budžetu, a na bazi mjesečnih operativnih planova.

VIII KORISNICI SREDSTAVA

Korisnici sredstava su fizička i pravna lica sa područja Srednjobosanskog kantona koja ispune propisane opće i posebne kriterije iz ovog Programa i Uputstva (poljoprivredni proizvođači, zadruge i dr.).